

کالم طبر

اون بش کونده بر نشر اولنور دینی ، علمی مجموعه اسلامیہ در

صاحب و مدیر مشرتا

ابو العلا زین العابدین

تاریخ تأسیسی

۱۳۳۰

عدد : ۷ ۲۵ شعبان سنه ۱۳۳۰ پنجشنبه ۲۶ تموز ۱۳۲۸ برنجی جلد

محکمه تمیزک منتخب قرارلری

۱۶

اصول محاکمات جزاییه قانونک ۱۷۱ نجی ماده سنه دأر : [۱]

بدایه و غیاباً وریلان حکمک اعتراض وقوعیله کأن لم یکن عدی اصول محاکمات جزاییه قانونک ۱۷۱ نجی ماده سنک حکمی مقتضیاتندن اولمسلیله اولباده کی اعتراض عرضحالک قبولی متعاقب ذات دعوانک تدقیق و محاکمه سنه ابتدار و نتائج حاصله کوره یکیدن اتخاذ قرار اولنق لازم کلور ایکن درجه اولی محکمه سنجه دعاوی حقوقیه جاری اصوله توفیقاً معترضک عرضحال مذکورنده درمیان ایدیلان اعتراضاتک حکم غیابی سابق جرح ایدر صورتده اولمایوب انحق جرم ایله جزا بیننده نسبت عادلله کوریه مدیکی بیانیله کأن لم یکن عدو اعتباری بروجه محرر احکام قانونیه اقتضاسندن بولنان حکم مذکورک تعدیلاً تصدیق یولنده لاحق اولان قرار وجاهینک محکمه استینافیه جه شو خطیبات اصولیه دن طولانی فسختی لزومی نظر دفته آلتقمزین تصدیق اولنمی یولسر و مخالف اصول و قانوندر .

۱۷

اصول محاکمات جزاییه قانونک ۱۸۵ نجی ماده سنه دأر : [۲]

اصول محاکمات جزاییه قانونک ۱۸۵ نجی ماده سنه دأر : [۲]

[۱] ۱۷۱ ماده : حکم غیابی محکوم علیهک ذاته ویا اقامتگاهنه تبلیغ اولندی تاریخدن اعتباراً بهر میریامترو ایچون برکون علاوه اولنق اوزره بش کون طرفنده محکوم علیه بو حکمک اجراسنه اعتراض ایدر و اعتراضی مدعی عمومی و مدعی شخصی به تبلیغ ایلر ایسه حکم غیابی کأن لم یکن عد اولنور فقط حکم غیابی اعلامک تبلیغی مصارفیله اعتراض مصرفی مظنون علیه حکم اولنه ییلور اگر حکم غیابی اعلامی محکوم علیهک ذاته تبلیغ اولنماش اولور و یا خود حکمک اجراسندن خبردار اولدی ثابت اولماز ایسه جزانک مرور زمان ایله سقوطی ایچون معین اولان مدت قانونیه نک اقتضاسنه قدر اعتراض استدعاسی قبول اولنور . [اصول محاکمات جزاییه قانونی]

[۲] ۱۸۵ ماده : یوز سکان پدنجی مادهده بیان ایدیلان استنادن ماعدل حکمک ویرلیدی کوندن اعتباراً اون کون طرفنده حکمی ویرن محکمه نک قلمنه استیناف اولنه جنی بیان اولنر ایسه استیناف حق ساقط اولور اگر حکم غیاباً ویرلش ایسه بهر میریامترو ایچون ایکی کون علاوه اولنق اوزره حکمک محکوم علیهک ذاته ویا اقامتگاهنه تبلیغ اولندی کوندن اعتباراً کذلک

ابتدائیه دن ویریلان مقررات غیاییه علیهنده مظلونلرک اون کوندن عبارت اولان مدت ظرفنده اعتراض علی الحکم طریقله حکم غیایی بی ویرن محکمه یه ویاخود طوغریدن طوغری به مرجع استینافه مراجعت امرنده حائر صلاحیت اولسنه واسباب استینافییه بی حاوی اولان عرض حاللرک مدت اعتراض ظرفنده ویرلمش اولسی بونلرک اعتراض استدعانامه لری مقامنده عد و اعتبار ایدیلرک محکمه بدایتجه اعتراضاً رؤیت دعوا یه اساس قانونی تشکیل ایتیه چکی درکار بولمسنه بناءً محکمه استینافییه جه بوباده کی استیناف استدعانامه سی اوزرینه تدقیقات لازمه بالاجرا مدتی ظرفنده ویرلدیکی آکلاشیلدینی حالده مستألف مرقوم . . حقنده کی حکم غیایینک فسخ و تصدیق یولنده قرار اتخاذه لزومندن ذهول ایله مذکور استدعانامه اوزرینه دعوانک تدقیق اولنسی لازم کلور ایکن استیناف استدعانامه سنک مدت اعتراض ظرفنده اعطا ایدیلدیکندن بحثله دعوانک اعتراضاً تدقیق ضمننده بدایت محکمه سنه حواله ایدلمسی یولسز و مخالف اصول قانوندر .

۱۸

اصول محاکمات جزائییه قانوننک ۱۹۴ نجی ماده سنه متعلو : [۳]

اصول محاکمات جزائییه قانوننک ۱۹۴ نجی ماده سننده بیان اولنان احوال دن ماعدا خصوصاتده محاکم استینافییه مکقررات ابتدائییه بی طوغریدن طوغری به فسخ و یا تصدیق ایتیمی ایجاب ایدوب قبل الفسخ حق تعدیل حائر اولمادینی حالده بوراسی نظر دفته آلفقه سزین اعلام مستألف بهک تعدیلاً تصدیق یولنده اتخاذه قرار اولنسی یولسز و مغایر اصول قانوندر .

اون کون ظرفنده استیناف اولنقی لازم کلور وبومدت تجاوز ایدر ایسه حق استیناف ساقط اولور کرک مدت استینافییه ده وکرک دعوانک استیفاً رؤیتی ائناسنده حکم اعلام اجرا اولتماز .

[اصول محاکمات جزائییه قانونی]

[۳] ۱۹۴ ماده : دعوی اولان ماده قانوناً نه جنجه ونده قباحته متعلق افعال قیللندن اولمادینی جهنله محکمه استیناف حکمی تعدیل وتغیر ایدر ایسه محکوم علیه حقنده معارضه بی منع ایدر وکندوسنک تضمینات ادعایی وار ایسه اکا دخی حکم ایلر .

[اصول محاکمات جزائییه قانونی]

۱۹

اورمانه برائمه متعلق در عابرده قابلیت استینافیهی تعیینه حکم اورمانه جزای نفرینک
کبئی اساس اورمانه .

اورمانره متعلق جرائمک قانوناً جنحه نوعندن اولمسی اعتباریه اولباده لاحق اولان
مقررات ابتدائیهک یوز غروشدن دون جزای نقدیه متدائر اولسه بیه قابلیت استینافیهی
درکار ایکن محکمه استینافیهجه مقدار جزای نقدی نظره آلهرق اولبادهکی اعلام
ابتدائینک صورت قطعیده لحوقندن بحثله علیهنده اورمان ادارهسی جانبندن ویریلان
استیناف استدعایهمنک ردی جهتنه کیدلمش اولمسی یولمز و مخالف اصول قانوندر .

۲۰

یوم تبلیغ ایله یوم اعطانک هر ایکسینی برده داخل حساب اجمامک طوغری اورمانه .
جنحه موادنده صادر اولان اعلامات غیاییه علیهنه مدت اعتراض یوم تبلیغدن اعتباراً
بش کوندن عبارت بولندینی قانوناً مصرح اولمسنه و احوال مماثلهده بالکیز یوم تبلیغک
داخل حساب ایلامامسی اصول مرعیه ایجابندن بولمسنه نظراً محکمه استینافیهجه بودآورده
تدقیقات اجرایی لازم کلور ایکن یوم تبلیغ ایله یوم اعطانک هر ایکسینی داخل حساب
ایلامامک صورتیه معترض جانبندن ویریلان استدعایهمنک مدتی داخلنده تنظیم واعطا
قلندینی بالیان حکم ابتدائینک فسخ اولمسی و علی الخصوص درجه اولی محاکمندن صادر
اولان مقرراتک عندالاستیناف هر نه صورتله اولور ایسه اولسون فسخی حالنده کیفیتک
بالرؤیه قراره ربطی اقتضایدرکن بوجهندن دخی ذهول ایله محکمه بدایجه تکرار محاکمه
اجراسنه قرار ویرلمسی یولمز و مخالف اصول قانوندر .

۲۱

رئیس محکمه خطاباً ویرلدی ویه استیناف استدعایهمنی رد اولمزه .
اصول محاکمات جزائییه قانوننک ۱۸۵ نجی مادهسنده اسباب استینافیهی حاوی اولان

استدعایک مدت معینه سی ظرفنده حکمی و یرن محکمه نك قلمنه اعطا اولنه چنی صراحة مذکور بولنش و دعوی استینافه قیام ایدن مظنون مرقوم . . دخی قانونك كندوسنه بخش ایلدیکی شوصلاحیته بناء تنظیم ایلدیکی استیناف استدعاینامه سی مهل معین ظرفنده بدایت محکمه سی قلمنه بالاعطا معامله قیدیته سی اجرا ایتدیرمش اولدینی حالده مذکور استدعاینامه نك استیناف رئیسنه خطاباً یازمش اولمی سر رشته سیله و بو کی استدعاینامه لرك هر حالده استیناف محکمه سنه و یرلمی معناسنی تضمن ایدر صورتده اسباب موجب سر دیله صراحت قانونیه خلافنده ردینه قرار و یرلمی حکم واقعك نقصنی موجب خطیئات قانونیه دن بولنمشدر .

امتحان حاضر لقلری

۵

عقرب بعهده خیبار نقر

تقرری باره نك و یرلوب و یریلام سنه توقف ایدن بر بیع عقدنی من له الحقك اشبو شقیندن برنی اختیار صورتیله فسخ و تنفیذده کی غیر لکنه اطلاق اولنور . بوده خیبار شرط کی عقدده علاوه اولنان قبول ایله وجوده کلیر . مثلاً مشتری فلان وقته قدر ثمنی تأدیه ایتمز ، و یا بایع آلدینی باره بی فلان وقته قدر کبری و یر بر سه پینلرنده بیع اولماق جهتی عاقبتجه تقرر ایدر . واقعا شوشکاده عند ؛ اقاله معلقه به بکزه ر . اقاله ده شرط تعلیق قبول ایتمان عتوددن بولنسنه کوره عقدی فساده حمل لازم کلیر . تعلیق تجویز اولنسه سیله اقاله شرطیله بیع تلقی اولنه جفتدن عقد ؛ بنه فساده کیدر . ایسته شو اعتبار لرله قیاساً مجموع بولنان بویله بر عقدك مشتریك عاظمه سی ضررینه قارشی یالکیز تأدیه ثمنی تعجیل امرنده بر قوه تأییدیه اوله بیله جك اولان حق حبسك بابی وقایه به عدم کفایتندن نشأت ایدن احتیاج فسخی ضرورت منزله سننده تلقی ایتمکدن ضرورت لرك ایسه مجموع اولان شیلری مباح قبله چنی قبول ایلمکدن طولانی استحضاراً تجویزی جهته کیدمشدر .

خیبار شرطده زمان ایراده عائد و یریلان تفصیلات و شکل ایرادك شرطه تعلق ایدر صفحه سی اولنی اوزده مدت ایچون درمیان اولنان احتمالات بوراده ده جاریدر . زیرا مدتك بو عقدده ده بر موقی واردر . بنا برین عدم تعیین و یا مجهولاً بیان فساد عقدی مؤیددر . معلومیتی ارانان مدتك تحدید اولنوب اولنماسی مختلف فیهدر . قانون مدنیز اولان مجله امام محمد حضرت لرینك نقطه نظری قبول